



Wir trauern um unser langjähriges  
Vereinsmitglied  
Hannelore Hagert,  
die am 09.01.2024 verstorben ist.  
Mit ihrer herzlichen und freundlichen Art  
nahm sie aktiv an unserem Vereinsleben teil.  
- Der Vorstand -

Wir werden sie stets  
in ehrendem Gedenken behalten.

### Aktuellis ausn Voreinslabn:

Wenn ihr zu unnerern Fosnd-Hutznobnd  
kommt, gelei noch ne Mittaaling: Um de  
Asserei eweng ze voraafachn, ham mir mit  
ne Q-Stall voreinbart, deses wie im  
Voreinshaus nár 1 einhaatlichs Assn gibt.  
Do gieht die Sach schneller vu dor Hand  
un mir ham meh Zeit uns zu bespaassn, is  
is ja nár aamol im Gahr Fosnd, un des söll  
ja viel Freid machen. Lásst eich ieber-  
raschn, was is diesmol for e Märchn zu  
dorlabn gibt. Mir ham fei extra dorfier ne  
Prob gemacht! Eier Schmidt



### FAHRDIENST

Wer am 08.02.2024 abgeholt und auch wieder nach Hause  
gefahren werden will, der möchte bitte bis 17:00 Uhr anrufen:

Johannes Wüst Tel.: 3807



Erzgebirgischer Heimatverein  
Eibenstock e.V.  
Otto-Findeisen-Str. 14  
08309 Eibenstock

Tel. 037752 / 2666 oder 2141  
Internet:  
www.heimatverein-eibenstock.de

Bankverbindung:  
Erzgebirgssparkasse  
IBAN: DE90 8705 4000 3892 2072 58  
BIC: WELADED1STB

# Unner Blatt`l



Nummer  
227

Mitteilungsblatt des  
Erzgebirgischen Heimatvereines  
Eibenstock e.V.

Februar  
2024



Obnds an dor Adlernalm

## Dor Plan fors Gahr 2024

Wann?	Was?	Wo?
11.01.24	Jahreshauptversammlung Kassenbericht & Revision	Vereinshaus
08.02.24	Fosndobnd	Q-Stall
07.03.24	Überraschungsgast	Vereinshaus
04.04.24	Spieleobnd	Vereinshaus
16.05.24	Mir guckn nei de Sterle	Planetarium
20.06.24	2. „Eimstocker Mund-Art-Traffn“	Q-Stall
04.07.24	Grill-Obnd mit Musik	Adleralm
01.08.24	Kremserfahrt	Rundfahrt
07.09.24	Präsentation	Postplatzfest
19.09.24	Vortrag / Hutznobnd	Vereinshaus
05.10.24	Mir fahrn mit ne Bus	???
07.11.24	Bastelobnd	Vereinshaus
29.11.24	Mettenschicht mit dem Dünsbergverein	Bad Schlema
29.11.- 01.12.24	Märchenweihnacht	Unner Bud „Gute Gerüche“
05.12.24	Arzgebirgsweihnacht	Hotel "Am Bühl"



### Wir gratulieren unseren Heimatfreunden

Brunhilde Voigt	am 05.02.	zum 75. Geburtstag
Ursula Baumann	am 18.02.	zum 70. Geburtstag
Frank Weiß	am 19.02.	zum 63. Geburtstag
Barbara Bochmann	am 20.02.	zum 66. Geburtstag



*Eine Lüge ist bereits dreimal  
um die Erde gelaufen,  
bevor sich die Wahrheit die Schuhe anzieht*  
- Mark Twain-

*Heit is Fosnd, heit is Ball,  
heit is iebrall Krawall!*

*Donnerstich,  
ne 08. Februar, 18.00 Uhr,  
im Q-Stall*

*...is gibt aa wieder klaane Preise  
vors schnellste Kostiem*



*...un im März, wos  
gibt's dä do?  
Ieberraschungsgäst!  
An Donnerstich,  
ne 07. März  
ab 18.00 Uhr  
in Voreinshaus*



Des gilts noch eweng auszefeihn, aber e paar Hutznobnde stenne schu fest. Su gibt's zen Fasching e altis, neies Märchn vu de Grimmischn Brüder. Ne grüße Sach wird aa is 2. Eimstocker Mund-Art-Traffn un su wetter... Des will erscht emol allis geschafft warn - zen Wohl un Vorgniegn aller unnerer Mit-

glieder un selche, dies warn wölln. Dodorzu winschn mir uns alle mitenanner viel Lust, Kraft un Durchhaltvormögn! När esu schafft en die Vereinsarbit aa perseenlich Fraad un Zefriednhaat!



In dem Sinn – wetter giehts – Vorwärts un net zerick! Aber des ham schu ganz annere vorsprochn ... Eier Schmidti

### *Denkt fei immer dra:*


*Dei Haus, des dir alt un bescheidn vürkimmt,  
des is dor Traam vun jedn, der kaa Dach iebern Kopp hat.*

*Des Kind, des diech aufreecht,  
is dor Traam vu den, dar kaane Kinner hobn ka.*

*Dei Arbit, ieber die du diech bekloochst,  
is dor Traam vu den, dar kaane hat.*

*Also, sei dankbar for des, wos de hast.  
Dir giehts besser als de denkst!*

## *Kinner, kommt zur Mundartgrupp!*



Warim schreibn mir des neins Blatt? Ihr seid ja schu längst aus den Kinnerjahrgäng ieber Jahrzehnte entschwundn! Trotzdem muss des mol sei.

Leute, brengt eire Kinner un Enkeln dorzu, e bissel de arzgebirgsche Muttersproch ze pflegn un in unnerer Mundartgrupp mitzemachn. Des is emol e bissl wos annersch, als andauernd när auf des Händi ze guckn un mannichsmol aa gefährliche Spiele ze machen.

Is kaa dorwagn aa mol gut tu, zu ner Familienfeier oder zen Hutznobnd oder – wenns dor aane oder annere schafft - zu gressern Voranstaltunge aufzetratn! Dodorzu brauchts net viel: när eweng Mut, e bissl Text lerne un aasogn.

Aber Arzgebirgisch muss mor nu schu eweng kenne, un wers noch net esu richtig ka, dar lernst bei uns. Mor söllt aafach mol vorbei kumme, drauf hern un wenns en gefällt, wiederkumme un mitmachn!

War sich noch net traut vor vieln Leitn ze redn, dar kaas ja erscht emol innern klenn Kreis bei ner Familienfete probiern, do kennt mor ja jedn! Aus dor Dorfahring raus kaa iechs eich sogn: des macht ja richtig viel Spass for en salber. Un jeds mol gelangts eweng besser un des gibt Selbstvortraue! Also nischt wie raakumme, mir beißn net, mir wölln uns alle Müh gabn!

Ganz Eimstock wird stolz of eich sei! Seid allezam herzlichst willkumme

Eier Schmidti un dor ganze Vürstand



## De Hauptversammlung in Januar 24



Jahreshauptversammlung – wie des schu klingt, do gieh iech halt gar net erscht hie! Vorkehr gedacht – die is grad schu wichtig for unner Voreinslabn. Denn is gieht net im Klaanichkeitn, naa is gieht drim, wos mir im letztn Gahr allis dorlabt ham, im unnerer Finanzn, im de Revisjon, öb aa allis stimmt, in neie Plan for 2024 un net zeletzt aa im de Voreinsarbit im neie Gahr. Ganz zeerscht ham mir aber gesunge, un wos, na, in Eimstocker Marsch! Dor Ralph hat nei seine Tastr

gelangt un iech hab de Saitn vu dor Gitarr dorzu beweecht. Mit suner Präsentatzjon wurd des alt Gahr noch emol aufgelist un an Bildern gezeichnet, Dodormit jeder aa noch emol mietkricht, wos mir allis unternomme ham, im des Voreinslabn racht schie ze machn. Aagefange vu dor Fosnd, den Ratslspaß im Alt-Eimstock, des Karokesinge im Q-Stall, Spiele- un



Bastlobnd, is „1. Eimstocker Mund -Art -Traffn“, de Fahrt zen Partnerverein un de Goldn Oldies nooch Hessen, de Kramserfahrt noch dor Hammerschenk, de Ausfahrt zu de Saalfalder Feengrottn bis hie zur Weihnachtsfeier. Iech denk schu, des siech

alle an die gemeinsame Begegnunge un lustiche Doreichnisse gut dorinnert ham. Dann musst iech halt in Kassnbericht mit e paar Euro-Zohl'n luswarn, dodormit jeder wass, for wos mir unner Gald vorplempern, aber aa, wos mir dorwagn esu einamme! Su wurn de Aktivität'n zen Druck vu de Blatt'n, in Bargbaulehrpfod oder aa zur Märchnweihnacht aufgezeichnet. Dor Ralph hat in sein Revisjonsbericht dann allis noch emol zesamme gefasst, esu wies abn sei muss. Als neie Rausfordering for ne Vürstand is de Iebernahm un Wetterfiehring



vun dor Kinnermundartgrupp. De Denise un dor Kindt, Steffen vun Erzgebirgsangsambl ham des in vorign Gahr schu bei dor Bargbühn aagange. De Bargbühn wollts aber itze wieder lus ham, is macht ja aa Arbit mit ne nein Förderaatroch. Nu ham mir se halt, weil die Sach mit dare Mundart un ihrer Dorhaltung uns wichtig is! Do gilts Näl mit Köpp



ze machn. E Aufruf im Togblatt un Plakat un Gespräch mitn Kinnergartn un dor Grundschul sölln do halfn. E Vürzeichtalent gib't ja schu mol mit ne Ullmann-Yves, dar ja schu in großn Voranstaltung un sugar in dor Weihnachtssendung vun MDR-Fernsah mitgemacht hat – mit Bandonjon un Aasooch!

Dann kame mir aber aa noch ze nern heiklern Thema: Wie sölls wetter gieh mit unneren Vorein? Dor Vürstand wird langsam aber sicher ieberaltert, des haaßt, e paar vu uns sei schu in ihrer Labns-Restlaufzeit aakomme. Do müssn neie Leit mit har, im de nächstn Gahr mit dor Vürstandswahl 2026 ze ieberstieh! Iech bi fei schu ball 75, un bei dor nächst Wahl dann – war rachne kaa – 77! Un do muss iech schu mol e ganzis Stickl kirzer tratn – wenn iechs ieberhaupt dorlabn derf. Is gilt, neie gingere Leit aa außerhalb vun Vorein ze suchn, die gewillt sei su e unbezohlts Ehrnamt ze iebernamme. Nooch ieber 30 Gahrn dorwagn dorfolgreicher Voreinsarbit wärs ja ne Riesnkatastrof, wenn unner Haamitvoren in Bach nunner gäng! Des derf aafach net passiern! Desserwagn hab iech zen Beispiel schu mol mit unnerer Kerstin diskutiert, die tät mei Kassnarbit mit aller Gald-Hie-un-Har-Wirtschafterei iebernamme.



Schenn Dank im Voraus! Sicher isis in unneren Vürstand aa net immer ganz leicht, allis unner enn Hut ze bringe, aber bis itze ham mir uns ieber die vieln Gahr dorwagn ganz gut vortrogn. Dann stand ja aa noch unner Plan for dieses Gahr im Programm.

(weiter geht's auf Seite 6!)